



五代史記卷第六十二

南唐世家二

宋歐陽脩撰徐無黨注明文盛高凝傳汝舟校

李昇字正倫徐州人也世本微賤父榮遇唐末之亂不知其所終昇少孤流寓濠泗間楊行密攻濠州得之奇其狀貌養以為子而楊氏諸子不能容行密以乞徐溫乃冒姓徐氏名知誥及壯身長七尺廣額隆準為人溫厚有謀為吳樓船軍使以舟兵屯金陵柴再用攻宣州用其兵殺李遇昇以功拜昇州刺史時江淮初定州縣吏多武夫務賦歛為戰守昇獨好學接禮儒者能自勵為勤儉以寬仁為政民稍譽之徐溫鎮潤州以昇池等六州為屬溫聞昇理昇州有善政往視之見其府庫充實城壁脩整乃徙治之而遷昇潤州刺史昇初不欲往屢求宣州溫不與旣而徐



知訓為朱瑾所殺温居金陵未及聞昇居潤州近廣陵得先聞即以州兵渡江定亂遂得政昇事徐温甚孝謹嘗罵其諸子不如昇諸子頗不能容而知訓尤甚嘗召昇飲酒伏劔士欲害之行酒吏刁彦能覺之酒至昇以手爪搯之昇悟起走乃免後昇自潤州入覲知訓與飲於山光寺又欲害之徐知諫以其謀告昇昇起趨去知訓以劔授刁彦能使追殺之及於中塗而還給以不及由是得免後昇貴以彦能為撫州節度使知訓之用事也嘗凌弱楊氏而驕侮諸將遂以見殺及昇秉政欲收人心乃寬刑法推恩信起延賓亭以待四方之士引宋齊丘駱知祥王令謀等為謀客士有羈旅於吳者皆齒用之嘗陰使人察視民間有婚喪匱乏者往往調給之盛皇者未嘗張蓋操扇左右

進蓋必却之曰士衆尚多且露我何用此以故温雖遙秉大政而吳人頗已歸昇武義元年拜左僕射參知政事温行軍司馬徐玠數勸温以己子代昇温遣子知詢入廣陵謀代昇秉政會温病卒知詢奔還金陵玠反為昇謀誣知詢以罪斬其客將周廷望以知詢為右統軍楊溥僭號拜昇太尉中書令大和三年出鎮金陵如温之制留其子景通為司徒同平章事以王令謀宋齊丘為左右僕射同平章事四年封昇東海郡王昇照鑑見白髮須顧其吏周宗嘆曰功業已就而吾老矣本宗何宗知其意馳詣廣陵見宋齊丘謀禪代齊丘以為未可請斬宗以謝吳人昇黜宗為池州刺史吳臨江王濛者怨徐氏捨己而立溥心嘗不平及昇將謀篡國先廢濛為歷陽公使吏以兵守之濛殺守者



奔廬州節度使周本本止舊將也聞濛至欲納之爲其子  
祚所止本曰此吾故主家即君也何忍拒之遽自出迎濛  
祚閉門濛本不得出縛濛送金陵見殺五年昇封齊王已  
而閩越諸國皆遣使勸進昇謂人望已歸天祚三年建齊  
國置宗廟社稷以宋齊丘徐玠為左右丞相十月溥遣攝  
太尉楊璘傳位於昇國號齊改元昇元昇以冊尊溥曰受  
禪老臣知誥謹上冊皇帝為高尚思玄弘古讓皇帝遣尊  
徐溫為忠武皇帝封子昇為吳王封徐氏子知證江王知  
諤饒王周本與諸將至金陵勸進歸而嘆曰吾不能誅篡  
國者以報楊氏今老矣豈能事二姓乎憤惋而死二年四  
月遷楊溥於潤州丹陽宮以王輿為浙西節度使馬思讓  
為丹陽宮使以嚴兵守之徐氏諸子請昇復姓昇謙抑不

敢忘徐氏因下其議百官百官皆請然後復姓李氏改名  
曰昇自言唐憲宗子建王恪生超超生志為徐州判司志  
生榮乃自以為建王四世孫改國號曰唐立唐高祖太宗  
廟追尊四代祖恪為孝靜皇帝廟號定宗曾祖超為孝平  
皇帝廟號成宗祖志孝安皇帝廟號惠宗考榮孝德皇帝  
廟號慶宗奉徐溫為義父徐氏子孫皆封王公女封郡縣  
主以門下侍郎張居詠中書侍郎李建勳右僕射張延翰  
同平章事十一月以步騎八萬講武於銅柵楊溥卒於丹  
陽宮溥子璉為皇太子時昇以女妻之及昇篡國封其女  
永興公主女聞人呼公主必悲咽流涕而辭宮中皆憐之  
溥卒以璉為康化軍節度使已而以疾卒二年四月昇郊  
祀昊天上帝於圓丘禮畢群臣請上尊號昇曰尊號非古



也不許州縣言民孝悌五代同居者七家皆表門閭優其  
繇後其尤盛者江州陳氏宗族七百口每食設廣席長幼  
以次坐而共食有畜犬百餘共一牢食一犬不至諸犬為  
之不食四年六月晉安州節度使李金全叛送款于昇昇  
遣鄂州屯營使李承裕迎之承裕與晉將馬全節安審暉  
戰安陸南二戰皆敗承裕與裨將段處恭皆死都監杜光  
鄴及其兵五百人被執送于京師高祖厚賜之遣還昇致  
書高祖復送光鄴等請以敗軍行次高祖又遣之昇以甲  
士臨淮拒之乃止六年吳越國火焚其宮室府庫甲兵皆  
盡群臣請乘其弊攻之昇不許遣使弔問厚賜其乏錢  
氏自吳時素為敵國昇見天下亂又嘗厭用兵及將篡國  
先與錢氏約和歸其所執將士錢氏亦歸吳敗將遂通好不

絕昇客馮延巳好論兵大言嘗謂昇曰田舍翁安能成大  
事而昇志在守吳舊地而已無復經營之略也然吳人亦  
賴以休息七年昇卒年五十六謚曰光文肅武孝高皇帝  
廟號烈祖陵曰永陵子景立

景初名景通昇長子也既立又改名璟徐溫死昇專政以  
為兵部尚書參知政事明年昇鎮金陵留景為司徒同平  
章事與宋齊丘王令謀居廣陵輔揚溥昇將篡國乃景歸  
金陵為副都統昇立封齊王昇卒嗣立改元保大尊母宋  
氏為皇太后妃鍾氏為皇后封弟壽王景遂為燕王宣城  
王景達為鄂王景湯前未王為保寧王秋改封景遂齊王  
諸道兵馬元帥太尉中書令景達為燕王副元帥盟於昇  
柩前約兄弟世世繼立封其子冀南昌王江都尹冬十月



破虔州妖賊張遇賢遇賢循州羅縣小吏也初有神降羅縣民家與人言禍福輒中遇賢禱之神曰遇賢是羅漢司留事我是時南海劉龔其死子玠初立嶺南盜賊起群盜千餘人未有所統問神當為主者神言遇賢遂共推為帥遇賢自號中天八國王改元永樂置官屬群賊盜皆絳衣攻剽嶺外問神所嚮神曰當過嶺取虔州遂襲南康節度賈浩不能禦遇賢據白雲洞造宮室有衆十餘萬連陷諸縣景遣洪州營中虞候嚴思通事令吳邊鎬率兵攻之遇賢問神神不復語群盜皆懼遂執遇賢以降景以馮延巳常夢錫為翰林學士馮延巳曾為中書令吳陳覺為樞密使魏岑查文徽為副使夢錫直宣政殿專掌密命而延巳等皆以邪佞用事吳人謂之五鬼夢錫屢言五人者不可用景

不納十二月景下令中外庶政委齊王景遂參決惟陳覺查文徽得奏事群臣非召見者皆不得入給事中蕭儼上疏切諫不報侍衛軍都虞候賈崇誦問求見景曰臣事先朝三十年見先帝所以成功業者皆用衆賢之謀故延接踈遠未嘗壅隔然下情猶時有不達者今陛下新即位所信用者何人奈何頃與臣下隔絕臣老即死恐無復一見顏色因泣下嗚咽景為之動容引與坐賜食而慰之遂寢所下令初宋齊丘為昇謀篡楊氏最有力及事成乃陽入九華山昇屢招之乃出昇僭號未幾齊丘以病罷相出為洪州節度使景立復召為相而陳覺魏岑等皆為齊丘所引用而岑與覺有隙諸覺於景左遷少府監齊丘亦罷相為浙西節度使齊丘不得意願復歸九華山賜號九華先



生封青陽公食青陽一縣二年二月閩人連重遇朱文進弒其君王延義文進自立是時延義弟延政亦自立於建州國號殷王氏兄弟連兵累年閩大亂景因其亂遣查文徽及待詔臧循發兵攻建州延政聞唐且攻之遣人給福州曰唐兵助我討賊矣福州信之共殺文進等以降延政遣其從子繼昌守福州文徽軍屯建陽福州將李仁達殺王繼昌自稱留後泉州將留從効亦殺其刺史黃紹頤皆送款於文徽四年八月文徽乘勝克建汀泉漳四州景分延平劍浦富沙三縣置劍州遷王延政之族于金陵以延政為饒州節度使李仁達為福州節度使從効為清源軍節度使景遂欲罷兵而查文徽陳覺等皆言仁達等餘孽猶在不若乘勝盡取之陳覺自言可不用尺兵致仁達等

景以覺為宣諭使召仁達朝金陵仁達不從覺慙還至建州矯命發汀建信撫州兵攻仁達時魏岑安撫漳泉聞覺起兵亦擅發兵會覺景大怒馮延巳等為言兵業行不可止乃以王崇文為招討使王建封為副使益兵以會之以延魯魏岑陳覺皆為監軍使仁達送款於吳越吳越以兵三萬應仁達覺等爭功進退不相應延魯與吳越兵先戰大敗而走諸軍皆潰歸景怒遣使者鎖覺延魯至金陵而馮延巳方為宰相宋齊丘復自九華召為大傅為稍解之乃流覺蘄州延魯舒州韓熙載上書切諫請誅覺等齊丘惡之貶熙載和州司馬是歲契丹陷京師中國無主而景方以覺等疲兵東南不暇北顧御史中丞江文蔚劾奏宰相馮延巳諫議大夫魏岑亂政與覺等同罪而不見貶黜



言甚切直景大怒自咎其疏貶文蔚江州司士叅軍亦罷  
延巳為少傅岑為太子洗馬五年以景遂為太弟景達為  
元帥封齊王南昌王與為副元帥封燕王契丹遣使來聘  
以兵部尚書賈潭報聘六年漢李守貞反河中遣其客將  
朱元來求援景以潤州節度使李金全為北面行營招撫  
使兵攻沐陽聞守貞已敗乃還是時漢隱帝少中國衰弱  
淮北羣盜多送款於景景遣皇甫暉出海泗諸州招納之  
八年福州詐言吳越戍兵亂殺李仁達而遂遣人請建州  
節度使查文徽文徽與劍州刺史陳誨下舟閩江趨應之  
福州以兵出迎誨曰閩人多詐難信宜駐江岸徐圖之文  
徽曰久則生變乘其未定亟取之留誨屯江口進至西門  
伏兵發文徽被擒誨與越人戰大敗之獲其將馬先進景

送先進還越越亦歸景文徽是歲楚王馬希廣為其弟希  
萼所弒希萼自立九年秋楚人囚希萼於衡山立其弟希  
崇附于景楚國大亂景遣信州刺史邊鎬攻楚破潭州盡  
遷馬氏之族于金陵景以希萼為洪州節度使希崇舒州  
節度使以邊鎬為湖南節度使十年分洪州高安清江萬  
載上高四縣置筠州以馮延巳孫忌為左右僕射同平章  
事廣州劉晟乘楚之亂取桂管景遣將軍張巒出兵爭之  
不克楚地新定其府庫空虚宰相馮延巳以克楚為功不  
欲取費於國乃重斂其民以給軍楚人皆怨而叛其將劉  
言攻邊鎬鎬不能守遂歸十一年金陵大火踰月十二季  
大饑民多疫死十三年十一月周師南征詔曰蠢爾淮甸  
敢拒大邦次血據一方僭稱偽號晉漢之代寰海未寧而乃



招納叛亡朋助兇逆金全之據安陸守貞之叛河中大起  
師後來為應接迫奪閩越涂炭湘潭至於應接慕容馮陵  
徐部沐陽之役曲直可知勾誘契丹入為邊患結連并壘  
實我世讎罪惡難名人神共憤乃拜李穀為行營都部署  
攻自壽州始是時宋齊丘為洪州節度使景召齊丘還金  
陵以劉彥貞為神武統軍劉仁瞻為清淮軍節度使以距  
周師李穀曰吾無水戰之具而使淮兵斷正陽浮橋則我  
背腹受敵乃焚其芻糧退屯正陽是時世宗親征行至圍  
鎮聞穀退軍曰吾軍却唐兵必追之遣李重進急趨正陽  
曰唐兵且至宜急擊之劉彥貞等聞穀退軍果以為怯急  
追之比及正陽而重進先至軍未及食而戰彥貞等遂敗  
彥貞之兵施利刃於拒馬維以鐵索又刻木為獸號捷馬

牌以皮裹布鐵蒺藜于地周兵見而知其怯一鼓敗之世  
宗營于淝水之陽徙浮橋于下蔡景遣林仁贍等爭之不  
得而周師取滁州景懼遣泗州牙將王知朗至徐州稱唐  
皇帝奉書願効首賦陳兄事之禮世宗不答景東都副留  
守馮延魯光州刺史張紹舒州刺史周祚泰州刺史方訥  
皆弃城走延魯削髮為僧為周兵所獲蘄州裨將李福殺  
其刺史王承雋降周景益懼始改名景以避周廟諱遣其  
翰林學士鍾謨文理院學士李德明奉表稱臣獻犒軍牛  
五百頭酒二千石金銀羅綺數千請割壽濠泗楚光海六  
州以求罷兵世宗不報今兵襲下楊泰景遣人懷蠟丸書  
走契丹求救為邊將所執光州刺史張承翰降周十四年  
三月景又遣司空孫晟禮部尚書王崇質奉表辭益單服



世宗猶不答前遣鍾謨等并晟崇質皆留行在而謨等請  
歸取景表盡獻江北地世宗許之遣崇質德明等還始賜  
景書曰自有唐失御天步方艱六紀于茲瓜分鼎峙自為  
聲教各擅永黎交結四夷憑陵上國華風不競否運所鍾  
凡百有心孰不興憤朕擅一百州之富庶握三十萬之甲  
兵農戰交脩士卒樂用苟不能恢復內地申畫邊疆便議  
班旋真同戲劇至於削奪稱顛輸臣節孫權事魏蕭管  
奉周古也雖然今則不取但存帝號何爽歲寒儻堅事大  
之心必不迫人於險德明等還成稱世宗英武景不悅宋  
齊丘陳覺等皆以割地無益而德明賣國以圖利景怒斬  
德明遣元帥齊王景達與陳覺邊錡許文鎮率兵趣壽春  
景達將朱元等復得舒蕲泰三州夏大雨周師在楊滁和

者皆却諸將請要其險隘擊之宋齊丘曰擊之恐深不如  
縱之以為德誠諸將閉壁無得要戰故周師皆集於壽州  
世宗屯於渦口欲再幸揚州宰相范質以師老泣諫乃班  
師以李重進攻廬壽尚訓守揚州訓請奔揚州併力以攻  
壽春乃封府庫付主者遣景舊將按巡城中秋毫不犯而  
去淮人大悅皆負糗糧以送周師十五年景達遣朱元等  
屯紫金山築甬道以餉壽州二月世宗復南征徙下蔡浮  
橋于渦口為鎮淮軍築二城以夾淮周師連破紫金山諸寨  
景達雖為元帥而兵事皆失於陳覺覺與朱元素有隙以  
元素守貞客友覆難信景遣大將楊守忠代元且召之元  
憤怒叛降于周諸軍皆潰許文鎮邊錡皆被執景達以舟  
兵奔還金陵劉仁瞻病且死其副使孫羽等以壽州降于



周世宗班師景遣人焚揚州驅其士庶而去冬十月世宗復南征遂圍濠州濠州刺史郭廷謂告于周曰臣不能守一州以抗王師然願請命于唐而後降世宗謂之緩攻廷謂遣人請命于景景許其降乃降又取泗州周師步騎數萬水陸齊進軍士作檀棗之歌聲聞數十里十二月屯于楚州之北門交泰元年正月大赦改元周師攻楚州守將張彥卿鄭昭業城守甚堅攻四十日不可破世宗親督兵以洞屋穴城而焚之城壞彥卿昭業戰死周兵怒甚殺戮殆盡周師復取海泰揚州世宗幸迎鑾以臨大江景知不能支而耻自屈身去其名號乃遣陳覺奉表請傳國與其世子而聽命初周師南征無水戰之具已而屢敗景兵獲水戰卒乃造戰艦數百艘使降卒教之水戰命王環將以

下淮景之水軍多敗長淮之舟皆為周師所得又造齊雲舡數百艘世宗至楚州北神堰齊雲舡大不能過乃開老鵠河以通之遂至大江京初自恃水戰以周兵非敵且未能至江及覺奉使見舟師列于江次甚盛以為自天而下乃請曰臣願還國取景表盡獻江北諸州如約世宗許之始賜景書曰皇帝恭問江南國主勞其良苦而已是時揚泰滁和壽濠泗楚光海等州已為周得業遂獻廬舒蘄黃畫江以為界五月景下令去帝號稱國主奉周正朔特顯德五年也初孫晟使于周留不遣而世宗問晟江南虛實不對世宗怒殺晟周已罷兵景乃贈劉仁贍大師追封晟魯國公世宗遣鍾謨馮延魯歸國景復遣謨等朝京師手自書表稱天地父母之恩不可報又請降詔書同藩鎮遣



謨面陳頌傳位世子世宗遣謨等還國優詔以勞安之景  
以謨為禮部侍郎延魯戶部侍郎景為太子時延魯等皆  
出入東宮禮部尚書常夢錫自昇世屢言不可使延魯等  
近太子及景立延魯等用事夢錫每排斥之景既割地稱  
臣有語及朝廷為大朝者夢錫大咲曰君等嘗欲致君如  
堯舜今日自為小朝邪鍾謨素善李德明既歸而聞德明  
由宋齊丘等見殺欲報其冤未能發陳覺齊丘黨也與景  
相嚴續素有隙覺常奉使周還言世宗以江南不即聽命  
者嚴續之謀勸景誅續以謝罪景疑之謨因請使于周驗  
其事景已割地稱臣乃遣謨入朝謝罪言不即割地者非  
續謀願赦之世宗大驚曰續能為謀是忠其主也朕豈殺  
忠臣乎謨還言覺姦詐景怒流覺饒州殺之宋齊丘坐覺

黨與放還青陽賜死以大弟景遂為洪州節度使燕王與  
為太子景困於用兵鍾謨請鑄大錢以一當十文曰永通  
泉貨貨謨嘗得罪而大錢廢韓熙載又鑄鐵錢以一當二九  
月太子與卒次子從嘉封吳王居東宮鍾謨言從嘉輕肆  
請立紀國公從善景怒貶謨國子司業立從嘉為太子世  
宗使人謂景曰吾與江南大義已定然慮後世不能容汝  
可及吾世修城隍治要害為子孫計景因營緝諸城謀遷  
其都于洪州群臣皆不欲遷惟樞密使唐鑑贊之乃升洪  
州為南昌建南都建隆二年留太子從嘉監國景遷于南  
都而洪州迫隘官府營廨皆不能容群臣日夕思歸景悔  
怒不已唐鑑慙懼發疾卒六月景卒年六十四從嘉嗣立  
以喪歸金陵遣使入朝頌復景帝號太祖皇帝許之乃謚



曰明道崇德文宣孝皇帝廟號元宗陵曰順陵

煜字重光初名從嘉景弟之子也煜為人仁孝善屬文工書畫而豐額駢齒一日重瞳子自太子巢已上五子皆早亡煜以次封吳王建隆二年景遷南都立煜為太子留監國景卒煜嗣立於金陵母鍾氏父名泰章煜尊母曰聖尊后立妃周氏為國后封弟從善韓王從益鄭王從謙宜春王從度昭平郡公從信文陽郡公大赦境內遣中書侍郎馮延魯修貢于朝廷令諸司四品已下無職事者曰一員待制於內殿五年泉州留從効卒景之稱臣於周也從効亦奉表貢獻于京師世宗以景故不納從効聞景遷洪州懼以為龍舌已遣其子紹基納貢于金陵而從効病卒泉人因并送其族于金陵推立副使張漢思漢思老不任事州

人陳洪進逐之自稱留後煜即以洪進為節度使乾德二年始用鐵錢民間多藏匿舊錢舊錢無少商賈多以十鐵錢易一銅錢出境官不可禁煜因下令以一當十拜韓熙載中書侍郎勤政殿學士封長子仲遇清源公次子仲儀宣城公五年命兩省侍郎給事中中書舍人集賢勤政殿學士今夕於光政殿宿直煜引與談論煜嘗以熙載盡忠能直言欲用為相而熙載後房妓妾數十人多出外舍私侍賓客煜以此難之左授熙載右庶子分司南都熙載盡斥諸妓單車上道煜甚留之復其位已而諸妓稍稍復還煜曰吾無如之何矣是歲熙載卒煜嘆曰吾終不得熙載為相也欲以平章事贈之問前世有此比否群臣對曰昔劉穆之贈開府儀同三司遂贈熙載平章事熙載北海將



家子也初與李穀相善明宗時熙載南奔吳穀送至正陽酒酣臨訣熙載謂穀曰江左用吾為相當長驅以定中原穀曰中國用吾為相取江南如探囊中物爾及周師之征淮也命穀為將以取淮南而熙載不能有所為也開寶四年煜遣其弟韓王從善朝京師遂留不遣煜手疏求從善還國太祖皇帝不許煜嘗怏怏以國威為憂日與臣下酣宴愁思悲歌不已五年煜下令貶損制度下書稱教改中書門下省為左右內史府尚書省為司會府御史臺為司憲府翰林為文館樞密院為光政院諸王皆為國公以尊朝廷煜性驕侈好聲色又喜浮圖高談不恤政事六年內史舍人潘佑上書極諫煜收下獄佑自縊死七年太祖皇帝遣使召煜赴闕煜稱疾不行王師南征煜遣徐鉉周惟

簡等奉表朝廷求緩師不答八年十二月王師克金陵九年煜俘至京師太祖赦之封煜違命侯拜左千牛衛將軍其後事具國史予世家江南其故老多能言李氏時事云太祖皇帝之出師南征也煜遣其臣徐鉉朝于京師鉉居江南以名臣自負其來也欲以口舌馳說存其國其日夜計謀思慮言語應對之際詳矣及其將見也大臣亦先入請言鉉博學有材辨宜有以待之太祖笑曰弟亦非爾所知也明日鉉朝于廷仰而言曰李煜無罪陛下師出無名太祖徐召之升使畢其說鉉曰煜以小事大如子事父未有過失柰何見伐其說累數百言太祖曰爾謂父子者為兩家可乎鉉無以對而退嗚呼大哉何其言之簡也蓋王者之興天下必歸于一統其可來者來之不可者伐之僭



偽假竊期於掃蕩一平而後已予讀周世宗征淮詔恠其  
區區攬據前事務較曲直以為辭何其小也然世宗之美  
武有足喜者豈為其辭者之過歟據湯挽所撰江南錄云景  
以保大十五年正月改元  
交泰是歲盡獻淮南十四州畫江為界保大十五年乃周顯德四年  
也按五代舊史及世宗實錄顯德四年十月壬申世宗方復南征五  
年正月丙午始克楚州二月己亥景始盡獻淮南諸州畫江為界當  
是保大十六年也悅等南唐故臣記其目見之事何其差繆而九國  
志紀年通譜之類但以挽書為正不復參較遂皆差一年至於景滅  
閩國是保大四年江南錄書於三年亦差一年已見閩世家注或疑  
景立踰年而改元則滅閩國當為三年周取淮南當為十五年不差  
但江南錄誤於景立之年改元保大所以常差一年也今知不然者  
以諸書參較閩人殺王延義當晉開運元年周師始伐南唐當顯德  
二年據景以初立之年即改元則開運元年為保大二年顯德二年  
為保大十三年今江南錄書延義被殺於二年周師始伐於十三年  
則是景立之年改元不誤而悅等書滅王氏割淮南自各差二年尔  
昇自晉天福二年建國至皇朝  
開寶八年國滅凡三十九年

五代史記卷第六十二

五代史記卷第六十三

前蜀世家三

宋歐陽脩撰徐無黨注明汪文盛高麗傳汝舟校

王建字光圖許州舞陽人也為人隆眉廣額狀兒偉然少  
無賴以屠牛盜鹽販私鹽為事里人謂之賊王八後為忠  
武軍卒稍遷隊將黃巢陷長安僖宗在蜀忠武軍將鹿晏  
弘以兵八千屬楊復光討賊巢敗走復光以其兵為八都  
都將千人建與晏弘皆為一都頭復光死晏弘率八都西  
迎僖宗于蜀所過剽略行至興元逐節度使牛勣自稱蜀  
後僖宗即以晏弘為節度使晏弘以建等八都頭皆領屬  
州刺史已而晏弘擁眾東歸陷陳許建與晉暉韓建張造  
李師泰等各率一都西奔于蜀僖宗得之大喜號隨駕五  
都以屬十軍觀軍容使田令孜令孜以建等為養子僖宗還



長安使建與晉暉等將神策軍宿衛光啓元年河中王重  
榮與令孜爭鹽池重榮召晉兵犯京師僖宗幸鳳翔二  
年三月移幸興元以建為清道使使負玉璽以從行至當  
塗驛李昌符焚棧道棧道幾斷建控僖宗馬冒煙燭中過  
宿坂下僖宗枕建膝寢既覺涕泣解御衣賜之僖宗已至  
興元令孜以謂天子播越由已致之懼且得罪西川節度  
使陳敬瑄令孜同母弟也令孜因求為西川監軍楊復恭  
代為軍容使復恭出建為郾州刺史建乃招集亡命及溪  
洞夷落有衆八千以攻閬州執其刺史楊行遷又攻利州  
利州刺史王珙棄城走敬瑄患之以問令孜令孜曰王八  
吾兒也以一介召之可置麾下乃使人招建東川顧彥朗  
與建有舊建聞令孜召已大喜因至梓州謂彥朗曰十軍

向父召我我欲至成都見陳公以求一鎮即以其家屬託  
彥朗選精兵二千馳之成都行至鹿頭關敬瑄悔召建使  
人止之建大怒擊破鹿頭關取漢州彥朗聞之出兵助建  
軍于學射敬瑄遣將句惟立逆建建擊敗之遂攻彭州敬瑄  
遣眉州刺史山行章將兵五萬屯新繁建又擊敗之虜獲  
萬餘人橫尸四十里敬瑄發兵七萬益行章與建相持蒙  
陽新都百餘日昭宗遣左諫議大夫李洵為兩川宣諭和  
協使詔彥朗等罷兵彥朗請以大臣鎮蜀因為建求旌節  
文德元年六月以宰相韋昭度為西川節度使分邛蜀黎  
雅為永平軍拜建節度使敬瑄不受代昭宗即命昭度將  
彥朗等丘討之昭宗以建為招討牙內都指揮使久之不  
克建為昭度曰公以數萬之衆困兩川之人而師久無功



奈何且唐室多故東方諸鎮兵接都畿公當歸相天子靜  
中原以固根本此蠻夷之國不足以留公昭度遲疑未決  
建遣軍士擒昭度親吏於軍門鬻而食之建入白曰軍士  
饑須此為食爾昭度大恐即留符節與建而東昭度已去  
建即以兵扼劔門兩川由是阻絕山行章屯廣都建擊敗  
之行章走眉州以州降建引兵攻成都而資簡戎茂喜  
叩諸州皆殺刺史降建建攻成都甚急田令孜登城呼建  
曰老夫與公相厚何憊而至此建曰軍容父子之恩心何  
可忘然兵討不受代者天子命也令孜夜入建軍以節度  
觀察牌印授建明日敬瑄開門迎建建將入城以張勅為  
都虞候戒其軍士曰吾以張勅為虞候矣汝等無犯其令  
幸勅執而見我我尚活汝使其殺而後白吾亦不能說也

建入城軍士剽略殺百人而後止建遷敬瑄于雅州使  
殺之復以令孜為監軍既而亦殺之天順二年十月唐以  
建為檢校司徒成都尹劔南西川節度副大使知節度事  
管內觀察處置雲南八國招撫等使東川顧彥朗卒其弟  
彥暉立唐遣宦者宗道弼賜彥暉東川旌節縣州刺史常  
厚執道弼以攻梓州建遣李簡王宗滌等討厚厚自彥朗死  
建欲圖并東川而未有以發及李簡等討厚厚戒曰兵已破  
厚彥暉必出搗師即與俱來無煩吾再舉也簡等擊厚破  
之鍾陽厚走還縣州以唐旌節還道弼而出之彥暉已得  
節辭疾不出犒軍乾寧二年建遣王宗滌攻之十二月宗  
滌敗彥暉于楸林斬其將羅璋遂圍梓州三年五月昭宗  
遣宦者袁易簡詔建罷兵建收兵還成都黔南節度使



王肇以其地降于建四年宗滌復攻東川別遣王宗侃宗  
阮等出峽取渝瀘州五月建自將攻東川昭宗遣諫議大  
夫李洵判官韋莊宣諭兩川詔建罷兵建不奉詔乃責授  
建南州刺史以郊王為鳳翔節度使徙李茂貞代建為西  
川節度使茂貞拒命乃復建官爵冬十月建攻破梓州彥  
暉自殺彥暉將顧彥瑤顧城已危謂諸將吏曰事公當生  
死以之指其所佩寶鐵劍曰事急而有叛者當齒此劍及  
城將破彥瑤與彥暉召集將吏飲酒遂與之俱死建以王  
宗滌為東川留後唐即以宗滌為節度使於是并有两川  
之地是時鳳翔李茂貞兼據梁洋秦隴數以兵侵建天復  
元年梁太祖兵誅宦者韓全誨等劫天子幸鳳翔梁兵圍  
之茂貞閉城距守經年力窘求與梁和建聞遣人聘茂貞

許以出兵為援勸其堅壁勿和遣王宗滌將兵五萬聲言  
迎駕以攻興元執其節度使李繼業而武定節度使拓拔  
思敬遂以其地降于建於是并有山南西道是時荆南成  
內死襄州趙匡疑遣其弟匡明襲據之建乘其間攻下夔  
施忠萬四州二年八月唐封建蜀王四年唐遷都洛陽改  
元天祐建與唐隔絕而不知故仍稱天復天復六年又取  
歸州於是并有二峽七年梁滅唐遣使者諭建建拒而不  
納建因馳檄四方會兵討梁四方知其非誠實皆不應是  
歲正月巨人見青城山六月鳳凰見萬歲縣黃龍見嘉陽  
江而諸州皆言甘露白鹿白雀龜龍之瑞秋九月己亥建  
乃即皇帝位封其諸子為王以王宗吉為中書令韋莊為  
左散騎常侍判中書門下事唐襲為樞密使鄭騫為御



史中丞張格王錯為翰林學士周博雅為成都尹蜀恃險而富當唐之末人士多欲依建以避亂建雖起盜賊而為人多智詐善待士故其僭號所用皆唐名臣世族莊見素之孫格濬之子也建謂其左右曰吾為神策軍將時宿衛禁中見天子夜召學士出入無間恩禮親厚如寮友非將相比也故建待格等恩禮尤異其餘宋琪等百餘人並見信用武成元年正月祀天南郊大赦改元以王宗佶為太師宗佶本姓甘氏建為忠武軍卒時掠得之養以為子後以軍功累遷武信軍節度使後建所生子元懿等稍長宗佶以養子心不自安與鄭騫等謀求為大司馬撓六軍開元帥府凡軍事便宜行而後聞建以宗佶創業功多優容之唐襲本以舞僮見幸於建宗佶尤易之後為樞密使

猶名呼龔龔雖內恨而外奉宗佶愈謹建聞之怒曰宗佶名呼我樞密使是將反邪宗佶求大司馬章三上建以問龔龔因激怒建曰宗佶功臣其威望可以服人心陛下宜即與之建心益疑宗佶入奏事自請不已建叱衛士撲殺之并賜憲死六月以遂王宗懿為皇太子建加尊號英武睿聖皇帝七月騶虞見武定二年頒永昌曆廣都嘉禾合穗三年八月有龍五十見洵陽水中十月麟見驛州十二月大赦改明年為永平元年岐王李茂貞自為梁所圍而山南入于蜀地狹勢孤遂與建和以其子娶建女因求山南故地建怒不與以王宗侃為北路都統宗佐宗加貞唐襲為三面招討使以攻岐戰于青泥宗侃敗績退保西縣為茂貞所圍建自將擊之岐兵敗解去建至興元而還加



尊號曰英武睿聖光孝皇帝二年又加號曰英武睿聖神  
功文德光孝皇帝初田令孜之為監軍也盜唐傳國爾室  
于蜀而埋之二月尚食使歐陽柔治令孜故第穿地而得之  
以獻五月梁遣光祿卿盧玘來聘推建為兄其印文曰大  
梁入蜀之印宰相張格曰唐故事奉使四夷其印文曰大  
唐入某國之印今梁以兄事陛下奈何卑我如夷狄建怒  
欲殺梁使者格曰此梁有司之過爾不可以絕兩國之權  
已而梁太祖崩建遣將作監李紘吊之遂刻其印文曰大  
蜀入梁之印劔州木連理六月麟見文州十二月黃龍見  
富義江三年正月麟見永泰五月麟見壁山有二鹿隨  
之秋七月皇太子元膺殺太子少保唐襲元膺建次子也  
初名宗懿後更名宗坦建得銅牌子于什仿有文二十餘

字建以為符讖因取以名諸子故又更曰元膺元膺為人  
微喙鱗齒多材藝能射錢中孔嘗自抱畫球擲馬上馳而  
射之無不中年十七為皇太子判六軍創天武神機營開  
永和府置官屬建以元膺年少任重以記事戒之令一切  
學朕所為則可以保國又命道士廣成先生杜光庭為之  
師唐襲建之嬖也元膺易之屢誣于朝建懼其交惡乃罷  
襲樞密出為興元節度使已而襲罷歸元膺廷疏其過失  
建益不悅是月七夕元膺召諸王大臣置酒而集王宗翰  
樞密使潘峭翰林學士毛錫文不至元膺怒曰集王不來  
峭與文錫教之耳明日元膺白建峭及文錫離間諸王建  
怒將罪之元膺出而襲入建以問之襲曰太子謀作亂欲  
召諸將諸王以兵錮之然後舉事爾建疑之襲請召生營



軍入衛元膺初不為備聞龍牙召兵以為誅已乃與伶人安  
悉香軍將喻全殊率天武兵自衛遣人擒峭及文錫而答  
之幽於其家召大將徐瑤常謙率兵出拒襲與龍牙戰神武  
門襲中流矢墜馬死建遣王宗賀以兵討之元膺兵敗皆  
潰去元膺匿躍龍池檻中明日出而丐食蜀人識之以告  
建遣宗翰招諭之宗翰未至為衛兵所殺建乃立其幼子  
鄭王宗衍為太子龍見邛州江四年荆南高季昌侵蜀  
巫山遣嘉王宗壽敗之于瞿唐八月殺黔南節度使王宗  
訓冬南蠻攻掠界上建遣慶王宗範擊敗之于大渡河麟  
見昌州五年起壽昌殿於龍興宮畫建像於殿又起扶天  
閣畫諸功臣像十一月大火焚其宮室遣王宗儔等攻  
取其秦鳳階成四州至于大散關梁叛將劉知俊在岐於

是以其族來通正元年遣王宗鑑等率兵十二萬出大散  
關攻岐取隴州八月起文思殿以清資五品正員官購群  
書以實之以内樞密使毛文錫為文思殿大學士黃龍見  
大昌池十月大赦改元十二月又改明年元曰天漢國號  
漢天漢元年殺劉知俊十二月大赦改明年元曰光天復  
國號蜀光天元年六月建卒年七十二建晚多內寵賢妃  
徐氏與妹淑妃皆以色進專房用事文結宦者唐文宸等  
干與外政建年老昏耄文宸判六軍事無大小皆決文宸  
及建疾以兵入宿衛謀盡去建故將故將大臣聞建疾皆  
不得入見久之宗弼等排闥入言文宸欲為變乃殺之建  
因以謂老將大臣多許昌故人必不為太子用思擇人未  
得而疾亟乃以宦者宋光嗣為樞密使判六軍而建卒太



子立去宗名衍

衍字化源建十一子曰衛王宗仁簡王元膺趙王宗紀幽  
王宗輅韓王宗智莒王宗特信王宗傑曾王宗昂興王宗  
澤薛王宗平而鄭王宗衍最幼其母徐賢妃也以母寵得  
立為皇太子開宗賢府置官屬後更曰天策府衍為人方  
頤大口垂手過膝顧目見耳頗知學問能為浮艷之詞元  
膺妃建以幽王宗輅貌類已信王宗傑於諸子最材賢欲  
於兩人擇立之而徐妃專寵建老昏老妃與宦者唐文展  
教相士言衍相最貴又諷宰相張格贊成之衍由是得為  
太子建卒衍立謚建曰神武聖文孝德明惠皇帝廟號高  
祖陵曰永陵建正室周氏號昭聖皇后後建數日而卒衍  
因尊其母徐氏為皇太后后妹淑妃為皇太妃太后太妃

以教令賣官自刺史以下每一官闕必數人並爭而入錢  
多者得之通都大邑起邸店以奪民利衍年少荒淫委其  
政於宦者宋光嗣光葆景潤澄王承休歐陽晃田魯僊等  
而以韓昭潘在迎顧在珣嚴旭等為狎客起宣華苑苑有  
重光太清延昌會真之殿清和迎仙之宮降真蓬萊丹霞  
之亭飛鸞之閣瑞獸之門又作怡神亭與諸狎客婦人日  
夜酣飲其中嘗以九日宴宣華苑嘉王宗壽以社稷為言  
言致流涕韓昭等曰嘉王酒悲爾諸狎客共以慢言譁嘲  
之坐上諠然衍不能省也蜀人富而喜邀當王氏晚年俗  
競為小帽僅覆其頂俛首即墮謂之危腦帽衍以為不祥  
禁之而衍好戴大帽每微服出游民間民間以大帽識之  
因令國中皆戴大帽又好裹尖巾其狀如錐而後宮皆戴



金蓮花冠衣道士服酒酣免冠其髮鬢然更施朱粉號醉  
粧國中之人皆效之嘗與太后太妃游青城山宮人衣服  
皆畫雲霞飄然望之若仙衍自作甘州曲述其仙狀上下  
山谷衍常自歌而使宮人皆和之衍立之明年改元乾德  
乾德元年正月祀天南郊大赦加尊號為聖德明孝皇帝  
二年冬北巡至于西縣旌旗戈甲連亘百餘里其還也自  
閬州浮江而上龍舟畫舸照耀江水所在供億人不堪命  
三年正月還成都五年起上清宮塑王子晉像尊以為聖  
祖至道王宸皇帝又塑建及衍像侍立於其左右又於正  
殿塑之元皇帝及唐諸帝備法駕而朝之六年以王承休  
為天雄軍節度使天雄軍秦州也承休以宦者得幸為宣  
徽使承休妻嚴氏有絕色衍通之是時唐莊宗滅梁梁蜀

人皆懼莊宗遣李嚴聘蜀衍與俱朝上清而蜀都士庶簾  
帷珠翠夾道不絕嚴見其人物富盛而衍驕淫歸乃獻策  
代蜀明年唐魏王繼岌及郭崇韜伐蜀是歲衍改元曰咸康  
衍自立歲常獵于子來山是歲又幸彭州陽平化漢州三  
學山以王承休妻嚴氏故十月幸秦州群臣切諫衍不聽  
行至梓潼大風發屋拔木太史曰此貪狼風也當有敗軍  
殺此我家物也可用獻為居數日為崇韜所殺宗壽許  
氏民家子也建以同姓錄之為子宗壽好學工琴奕為人  
恬退喜道家之術事建時為鎮江軍節度使衍既立宗壽  
為太子太保奉朝請以煉丹養氣自娛衍為淫亂獨宗壽  
常切諫之後為武信軍節度使唐師伐蜀所在迎降魏王  
常以書招之獨宗壽不降聞衍已銜壁大衝從衍東遷至



岐陽以賄賂守者得入見衍衍泣下霑襟曰早從王言豈  
有今日衍死宗壽至澠池聞莊宗遇弒亡入熊耳山天成  
二年出詣京師上書求衍宗族苑之明宗嘉其忠以為保  
義軍行軍司馬封衍順正公許以諸侯禮葬宗壽得王氏  
十八喪葬之長安南三趙村

嗚呼自秦漢以來學者多言祥瑞雖有善辯之士不能祛  
其惑也予讀蜀書至於龜龍麟鳳騶虞之類世所謂王者  
之嘉瑞莫不畢出於其國異哉然考王氏之所以興亡成  
敗者可以知之矣或以為一王氏不足以當之則視時天  
下治亂可以知之矣龍之為物也以不見為神以升雲行  
天為得志今偃然暴露其形是不神也不上于天而下見  
於水中是失職也然其一何多歟可以為妖矣鳳八鳥之

遠人者也昔舜治天下政成而民悅命夔作樂樂聲和鳥  
獸聞之皆鼓舞當是之時鳳凰適至舜之史因并記以為  
美後世因以鳳來為有道之應其後鳳凰數至或出於庸  
君繆政之時或出於危亡大亂之際是果為瑞哉麟獸之  
遠人者也昔魯哀公出獵得之而不識蓋索而獲之非其  
自出也故孔子書於春秋曰西狩獲麟者譏之也西狩非  
其遠也獲麟惡其蓋取也狩必書也而哀公馳騁所涉地  
多不可偏以名舉故書西以包衆地謂其舉國之西皆至  
也麟人罕識之獸也以見公之窮山竭澤而盡取至於不  
識之獸皆搜索而獲之故曰譏之也聖人已沒而異端之  
說興乃以麟為王者之瑞而附以符命讖緯詭恠之言鳳  
嘗出於舜以為瑞猶有說也及其後出於亂世則可以知



其非瑞矣若麟者前有治世如堯舜禹湯文武周公之世未嘗一出其一出而當亂世然則孰知其為瑞哉龜玄物也汚泥川澤不可勝數其死而貴於上官者用適有宜爾而戴氏禮以其在宮沼為王者難致之瑞戴禮雜出於諸家其失亦以多矣騶虞五豎不知其何物也詩曰吁嗟乎騶虞西貢誼以為騶者文王之囿虞虞官也當誼之時其說如此然則豈為獸者其出於近世之說乎夫破人之惑者難與爭於篤信之時待其有所疑焉然後從而攻之可也麟鳳龜龍王者之瑞而出於五代之際又皆萃于蜀此雖好為祥瑞之說者亦可疑也因其可疑者而攻之庶幾惑者有以思焉

唐前蜀書軍曆圖九國志皆云建以唐天順二年入成都今以為定惟禋五代史云龍紀元年入成都天祐五年建號改元者修也至後唐同光三年蜀滅則諸書皆同自大順二年至同光三年此二十

年五



五代史記卷第六十四

後蜀世家四

宋歐陽脩撰徐無黨注明汪文盛高澂傳汝舟校

孟知祥字保胤邢州龍江人也其叔父遷當唐之末據邢  
洛磁三州為晉所虜晉王以遷守澤潞梁兵攻晉遷以澤  
潞降梁知祥父道獨留事晉而不顯及知祥壯晉王以其  
弟克讓女妻之以為左教練使莊宗為晉王以知祥為中  
將使前此為中門使者多以罪誅知祥懼求他職莊宗嘗  
知祥薦可代已者知祥因薦郭崇韜自代崇韜德之知祥  
遷馬步軍都虞候莊宗建號以太原為北京以知祥為太  
原尹北京留守魏王繼岌伐蜀郭崇韜為招討使崇韜臨  
訣白曰即臣等平蜀陛下擇帥以守西川無如孟知祥者  
已而唐兵破蜀莊宗遂以知祥為成都尹劍南西川節度



副大使知祥馳至京師莊宗戒有司盛供帳多出內府珍  
奇諸物以宴勞之酒酣語及平昔以為笑樂歎曰繼安前  
日乳真兒爾乃能為吾平定兩川吾徒老矣孺子可喜然  
益令人悲爾吾意先帝弃世時疆土侵削僅保一隅豈知  
今日奄有天下九州四海奇珍異產充牣吾府因指以示  
知祥曰吾聞蜀王之富無異於此以卿親賢故以相付同  
光四年正月戊辰知祥至成都而崇韜已死魏王繼安引  
軍東歸先鋒康延孝反攻破漢州知祥遣大將李仁空會  
任圜董璋等兵擊破延孝知祥得其將李肇侯弘實及其  
兵數千以歸而莊宗崩魏王繼安死明宗入立知祥乃訓  
練兵甲陰有王蜀之志益置義勝定遠驍銳義寧義捷等  
軍七萬餘人命李仁罕趙延隱張業等分將之初莊宗之

班師也知祥率成都富人及王氏故臣家得錢六百萬緡  
以犒軍其餘者猶二百萬任圜自蜀入為相兼判三司素  
知蜀所餘錢是冬知祥加拜侍中乃以太僕卿趙季良猶  
官告賜之因以為三川制置使督蜀搗軍餘錢送京師且  
制置兩川征賦知祥怒不奉詔然知祥與季良有舊遂留  
之樞密使安重誨頗疑知祥有異志思有以制之初知祥  
鎮蜀莊宗以宦者焦彥質為監軍明宗入立悉誅宦者罷  
諸道監軍彥質已罷重誨復以客省使李子嚴為監軍嚴前  
使蜀既歸而獻策代蜀蜀人比自惡之而知祥亦怒曰彥  
質以例罷而諸道皆廢監軍獨吾軍置之是嚴欲以蜀再  
為功也掌書記母昭裔及諸將吏皆請止嚴無內知祥曰  
吾將有以待其來嚴至境上遣人持書曰候知祥知祥盛兵



見之甚嚴懼而不來嚴聞之自若天成二年正月嚴至成都知祥置酒召嚴是時焦彦質雖罷猶在蜀嚴於懷中出詔示知祥以誅彦質知祥不聽因責嚴曰今諸方鎮已罷監軍公何得來此自客將王彥銖執嚴下斬之明宗不能詰初知祥鎮蜀遣人迎其家屬于太原行至鳳翔鳳翔節度使李從曠聞知祥殺李嚴以為知祥反矢遂留之明宗既不能詰而猶欲以恩信懷之乃遣客省使李仁矩慰諭知祥并送瓊華公主及其子昶等歸之知祥因請趙季良為節度副使事無大小皆與參決三年唐徙季良為果州團練使以何瓚為節度副使知祥得制書慶之表留季良不許乃遣其將雷廷魯至京師論請明宗不得已而從之是時瓚行至緜谷懼不敢進知祥乃奏瓚為行軍

司馬是歲唐師伐荆南詔知祥以兵下峽知祥遣毛重威率兵二千戍夔州已而荆南高季興死其子從誨請命知祥請罷戍兵不許知祥譏重威以兵鼓譟潰而歸唐以詔書劾重威知祥奏請無効由是唐大臣益以知祥為必反四年明宗將有事于南郊遣李仁矩責知祥助禮錢一百萬緡知祥覺唐謀困已辭不肯出久之請獻五十萬而已初魏王繼岌東歸留精兵五千戍蜀自安重誨疑知祥有異志聽言事者用已所親信分守兩川管内諸州每除守將則以精兵為其牙隊多者二三千少者不下五百人以備緩急是歲以夏魯曾可為武信軍節度使分東川之閬州為保寧軍以李仁矩為節度使又以武虔裕為緜州刺史仁矩與東川董璋有隙而虔裕重誨表兄由是璋與知



祥皆懼以謂唐將致討自璋鎮東川未嘗與知祥通問於是璋始遣人求婚以自結而知祥心恨璋欲不許以問趙季良季良以謂宜合從以拒唐知祥乃許於是連表請罷還唐所遣節度刺史等明宗優詔慰諭之長興元年二月明宗有事于南郊加拜知祥中書令初知祥與璋俱有異志而安重誨信言事者以為璋盡忠於國獨知祥可疑重誨猶欲倚璋以圖知祥是歲九月董璋先反攻破閬州擒李仁矩殺之是月應聖節知祥開宴東北望再拜俯伏嗚咽泣下沾襟士卒皆為之歎歎明日遂舉兵反是秋明宗改封瓊華公主為福慶長公主有司言前世公主受封皆未出降無遣使就蕃冊命之儀詔有司草具新儀遣秘書監劉岳為冊使岳行至鳳翔聞知祥反乃旋明宗下

詔削奪知祥官爵命天雄軍節度使石敬瑭為都招討使夏魚哥為副知祥遣李仁罕張業趙廷隱將兵三萬人會璋攻遂州別遣侯弘實將四千人助璋守東川又遣張武下峽取渝州唐師攻劔門殺璋守兵三千人遂入劔門璋來告急知祥大駭遣廷隱分兵萬人以東已而聞唐軍止劔州不進喜曰使唐軍急趨東川則遂州解圍吾勢迫而兩川搖矣今其不進吾知易與爾十二月敬瑭及廷隱戰于劔門唐師大敗張武已取渝州武病卒其副將袁彥超代將其兵又取黔州二年正月李仁罕克遂州夏魚哥死之知祥以仁罕為武信軍留後遣人馳曾哥首示敬瑭軍敬瑭乃班師利州李彥珂聞唐軍敗東歸乃弃城走知祥以趙廷隱為昭武軍留後李仁罕進攻夔州刺史安崇院



弃城走以趙季良為留後是時唐軍涉險以餉道為艱自潼關以西民苦轉饋每費一石不能置一斗道路嗟怨而敬瑭軍既旋所在守將又皆弃城走明宗優之以責安重誨重誨懼遽自請行而重誨亦以被讒得罪死明宗以謂致知祥等反由重誨失策及重誨死乃遣西川進奏官蘇愿進奉軍將杜紹本西歸招諭知祥具言知祥家屬在京師者皆無恙知祥聞重誨誅死而唐厚待其家屬乃數璋欲同謝罪璋曰孟公家屬皆存而我子孫獨見殺我何謝為知祥三遣使往見璋璋不聽乃遣觀察判官李自昊諭璋璋益疑知祥賣已因發怒以語侵昊昊乃勸知祥攻之而璋先襲破知祥漢州知祥遣趙廷隱率兵三萬自將擊之陣雞距橋知祥得璋降卒衣以錦袍使持書招降璋璋曰

事已及此不可悔也璋軍士皆譟曰徒曠我於日中何不速戰璋即麾軍以戰兵始交偏將張守進來降知祥乘之璋遂大敗走過金鴈橋麾其子光嗣使降以保家族光嗣哭曰自古豈有殺父而求生者乎寧俱就死因與璋俱走知祥遣趙廷隱追之不及璋走至梓州見殺光嗣自縊死知祥遂并有東川然自璋死知祥卒不遣使謝唐唐樞密使范延光曰知祥雖已破璋必借朝廷之勢以為兩川之重自非屈意招之彼亦不能自歸也明宗曰知祥吾故人也本因間諜致此危疑撫吾故人何屈意之有先是克寧妻孟氏知祥妹也莊宗已殺克寧孟氏歸于知祥其子環留事唐為供奉官明宗即遣環歸省其母因賜知祥詔書招慰之知祥無據兩川以趙季良為武泰軍留後李仁罕



武信軍留後趙廷隱保寧軍留後張業寧江軍留後李肇昭武軍留後季良等因請知祥稱王以里至制行事議未決而壞至蜀知祥見環倨慢九月環自蜀還得知祥表請除趙季良等為五鎮節度其餘刺史以下得自除授又請封蜀王且言福慶公主已卒明宗為之發哀遣閣門使劉政恩為宣諭使政恩復命知祥始遣其將朱滉來朝四年二月癸亥制以知祥檢校太尉兼中書令行成都尹劍南東西兩川節度管內觀察處置統押近界諸蠻無西山八國巫南安撫制置等使遣工部尚書盧文紀冊封知祥為蜀王而趙季良等五人皆拜節度使唐丘先在蜀者數萬人知祥皆厚給其衣食因請送其家屬明宗詔諭不許十一月明宗崩明年閏正月知祥乃即皇帝位國號蜀以趙季

良為司空同中書門下平章事中明使王處回為樞密使李昊為翰林學士三月唐潞王舉兵於鳳翔愍帝遣王思同等討之思同兵潰山南西道節度使張虔劍武定軍節度使孫漢韶皆以其地附于蜀四月知祥改元曰明德六月虔劍等至成都知祥宴勞之虔劍奉觴起為壽知祥手緩不能舉觴遂病以其子景為皇太子監國知祥卒謚為文武聖德英烈明孝皇帝廟號高祖陵曰和陵

景知祥第三子也知祥為西川節度使景為行軍司馬知祥僭號以景為東川節度使同中書門下平章事知祥病景監國知祥已卒而祕未發喪王處回夜過趙季良相對泣涕不已季良正色曰今疆侯握兵專伺時變當速立嗣君以絕非望泣無益也處回遂與季良立景而後發喪昶



立不改元仍稱明德至五年始改元曰廣政明德三年三月  
月熒惑犯積尸昴以謂積尸蜀分也懼欲禳之以問司天  
少監胡韞韞曰按十二次起井五度至柳八度為鶉首一  
次鶉首秦分也蜀雖屬秦乃極南之表爾前世火入鬼其  
應多在秦晉咸和九年三月火犯積尸四月雍州刺史郭  
權見殺義熙十四年火犯鬼明年雍州刺史朱齡石見殺  
而蜀皆無事昴乃止昴好打球走馬又為方士房中之術  
多採良家子以交後宮樞密副使韓保貞切諫昴大悟即  
日出之賜保貞金數斤有上書者言臺省官當擇清流昴  
歎曰何不言擇其人而任之左右請以其言詰上書者昴  
曰吾見唐太宗初即位徵吏孫伏伽上書言事皆具嘉納  
奈何勸我拒諫耶然昴年少不親政事而將相大臣皆知

祥故人知祥寬厚多優縱之及其事昴益驕蹇多踰法度  
務廣第宅奪人良田發其墳墓而李仁罕張業尤甚昴即  
位數月執仁罕殺之并族其家是時李肇自鎮來朝杖而  
入見稱疾不拜及聞仁罕死遽釋杖而拜廣政九年趙季  
良卒張業益用事業仁罕甥也仁罕被誅時業方掌禁兵  
昴懼其反乃用以為相業無判度支置獄于家務以酷  
法厚斂蜀人蜀人大怨十一年昴與匡聖指揮使安思謙  
謀執而殺之王處回趙廷隱相繼致仕由是故將舊臣迨  
盡昴始親政事於朝堂置匭以通下情是時契丹滅晉漢  
高祖起于太原中國多故雄武軍節度使何建以秦成階  
三州附于蜀昴因遣孫漢韶攻下鳳州於是悉有王衍故  
地漢將趙思綰據永興王景崇據鳳翔及皆送款于昴昴



遣張虔釗出大散關何建出隴右李廷珪出子午谷以應  
思緒景相母昭裔切諫以為不可然景志欲窺關中甚銳  
乃遣安思謙益兵向東已而漢誅思緒景出虔釗等皆罷  
歸而思謙耻於無功多殺士卒以威衆景與翰林使王藻  
謀殺思謙而邊吏有急奏藻不以時聞輒啓其封景怒之  
其殺思謙也藻方侍側因并擒藻斬之十二年置吏部三  
銓禮部貢舉十二年景加號睿文英武仁聖明孝皇帝封  
子玄詰秦王判六軍事次子玄珽襲王弟仁毅襲王仁贄  
雅王仁裕嘉王十八年周世宗伐蜀攻自秦州景以韓繼  
勳為雄武軍節度聞周師來伐歎曰繼勳豈足以當周兵  
耶客省使趙季札請行乃以季札為秦州監軍使季札行  
至德陽聞周兵至遽馳還奏事景召問之季札惶懼不能

道一言景怒殺之乃遣高彥儔李廷珪出堂倉以拒周師  
彥儔大敗走青泥於是秦成階鳳復入于周景懼分遣使  
者聘于南唐東漢以張形勢二十年世宗以所得蜀俘歸  
之景亦歸所獲周將胡立于京師因寓書于世宗世宗怒  
景無臣禮不荅二十一年周兵伐南唐取淮南十四州諸  
國皆懼荆南高保融以書招景使歸周景以前嘗致書世  
宗不荅乃止景幼子玄寶生七歲而卒太常言無服之殤  
無贈典景問李昊昊曰晉唐德宗皇子諱生四歲而卒贈  
揚州大都督封肅王此故事也景乃贈玄寶青州大都督  
追封遂王二十五年立秦王玄詰為皇太子景幸晉漢之  
際中國多故而據險一方君臣務為奢侈以自娛至於弱  
哭皆以七寶裝之宋興已下荆潭景益懼遣大程官孫遇



以璘丸書間行東漢約出兵以撓中國遇為邊吏所得太祖皇帝遂認伐蜀遣王全斌崔彥進等出鳳州劉光乂曹彬等出歸州詔八作司度右掖門南臨汴水為景治第一區凡五百餘間供帳什物皆具以待景景遣王昭遠趙彥韜等拒命昭遠成都人也年十二事東郭禪師智諱為童子知祥嘗飯僧於府昭遠執巾履從智諱以入知祥見之愛其惠黠時景方就學即命昭遠給事左右而見親狎景立以為捲簾使樞密使王禹夔回致仕景以樞密使權重難制乃以昭遠為通奏使知樞密使事然事無大小一以委之府庫金帛恣其所取不問景母李太后常為景言昭遠不可用景不聽昭遠好讀兵書以方畧自許兵始發成都景遣李昊等餞之昭遠手執鐵如意指揮軍事曰此諸葛

亮酒酣謂昊曰吾之是行何止克敵當領此二三萬雕面惡少兒取中原如反掌爾景又遣子玄喆率精兵數萬守劔門玄喆輦其愛姬攜樂器伶人數十以從蜀人見者皆竊笑全斌至三泉遇昭遠擊敗之昭遠焚吉柏江浮橋退守劔門軍頭向韜得蜀降卒言來蘇小路出劔門南清彊店與大路合全斌遣偏將史延德分兵出來蘇北擊劔門與全斌夾攻之昭遠彥韜敗走皆見擒玄喆聞昭遠等敗亦逃歸劉光乂攻夔州夔州守將高彥儔戰敗閉牙城拒守判官羅濟勸其走彥儔曰吾昔不能守秦川今又奔北雖人主不殺我我何面目見蜀人乎又勸其降彥儔不許乃自焚死而蜀兵所在奔潰將帥多被擒獲景問計於左右老將石顏以謂東兵遠來勢不能久宜聚兵堅守以敵



之景歎曰吾與先君以温衣美食養士四十年一旦臨敵不能為吾東向放一箭雖欲堅壁誰與吾守者耶乃命李昊草表以降時乾德三年正月也自興師至景降凡六十六日初昊事王行為翰林學士行也昊為景降表至是又草馬蜀人夜表其門曰世修降表李家當時傳以為笑景至京師拜檢校太師兼中書令封秦國公七日而卒追贈楚王其母李氏為人明辯甚見優禮詔書呼為國母嘗召見勞之曰母善自愛無戚戚思蜀他日當送母歸李氏曰妾家本太原儻得歸老故鄉不勝大願是時劉鈞尚在太祖大喜曰俟平劉鈞當如母願景之卒也李氏不哭以酒酌地祝曰汝不能死社稷苟生以取羞吾所以忍死者以汝在也吾今何用生為因不食而卒其餘事具國史

知祥與滅年數甚明諸書皆同蓋自同光三年乙酉入蜀至皇朝乾德三年乙丑國滅凡四十一年惟舊五代史云同光三年丙戌至乾德三年乙丑四十年者繆也



五代史記卷第六十五

南漢世家五

宋歐陽脩撰徐無黨注明汪文盛高麗僅資校

劉隱其祖安仁上蔡人也後徙閩中商賈南海因家焉父謙為廣州牙將唐乾符五年黃巢攻破廣州去略湖湘間廣州表謙封州刺史賀江鎮遏使以禦梧桂以西歲餘有兵萬人戰艦百餘艘謙三子曰隱台嚴謙卒廣州表隱代謙封州刺史乾寧中節度使劉崇龜死嗣薛王知柔代為帥行至湖南廣州將盧瑊瑒起作亂知柔不敢進隱以封州兵攻殺瑊瑒迎知柔知柔辟隱知軍司馬其後徐彥若代知柔表隱節度副使委以軍政彥若卒軍中推隱為留後天祐二年拜隱節度使梁開平元年加檢校太尉兼侍中二年兼靜海軍節度安南都護三年加檢校太師兼中



書人封南平王隱父子起封州遭世多故數有功於嶺南  
遂有南海隱優好賢士是時天下已亂中朝人士必領外  
最遠可以避地多將焉唐世名臣謫死南方者往往有子  
孫或當時仕宦遭亂不得還者皆各領表王定保倪署劉  
濬李衡周傑揚洞潜趙光胤之徒隱皆招禮之定保各管  
巡官暲唐太學博士濬崇壽之子以避亂往衡德裕之孫  
唐右補闕以奉使往皆辟置幕府待以賓客傑善星曆唐  
司農少卿因避亂往隱數問災變傑耻以星術事人嘗  
稱疾不起隱亦客之洞潜初為營管巡官秩滿客南海隱  
常師事之後以為節度副使及龔從誦為陳吉凶禮法為  
國制度略有次序皆用此數人焉乾化元年進封隱南海  
王是歲卒年三十八弟龍立

龍初名嚴謙庶子也其母段氏生龍於外舍謙妻韋氏素  
如聞之怒拔劍而出命持龍至將殺之及見而悸劍輒墮  
地良久曰此非常兒也後三日卒段氏養龍為己子及  
長善騎射身長七尺垂手過膝隱為行軍司馬龍亦辟薛  
王府諮議參軍隱鎮南海龔為副使隱卒龔代立乾化二  
年除清海軍節度使檢校太保同平章事三年加檢校太  
傅末帝即位悉以隱官爵授龍龔封南海王唐末南海最  
後亂信宗以後大臣出鎮者天下皆亂無所之惟除南海  
而已自隱始亦自立是時交州曲頌桂州劉士政邕州華  
廣略容州龐巨昭分據諸管盧光稠據虔州以攻嶺上其  
弟光睦據潮州子延昌據韶州高州刺史劉昌魯新州刺  
史劉潜及江東七十餘寨皆不能制隱攻韶州龔曰韶州



所賴者先稠擊之虔人必應應則首尾受敵此不宜直攻  
而可以計取隱不聽果敗而歸因盡以兵事付龔龔秦平  
諸寨遂殺昌胤昇更置刺史卒出兵攻敗盧氏取潮韶又  
西與馬殷爭容桂殷取桂管虜士政龔取容管逐巨昭又  
取容管隱龔自梁初受封爵稟正朔而已貞明二年龔即  
皇帝位國號大越改元曰乾亨追尊安仁文皇帝謙聖武  
皇帝隱龔皇帝立三廟置百官以楊洞潜為兵部侍郎李  
衡禮部侍郎倪曙工部侍郎趙光胤兵部尚書皆平章事  
光胤自以唐甲族耻事偽國常怏怏思歸龔乃習為光胤  
手書遣使間道至汝陽召其二子損益并其家屬皆至光  
胤驚喜為畫惡馬龔天性聰悟而苛酷為刀鋸支解剝剔之  
刑每視殺人則不勝其喜不覺哀願垂涎呀呻人以為真

後唐世又好奢侈悉聚南海珍寶以為玉堂珠殿二年元  
夫南郊大赦境內改國號漢龔初欲僭號憚王定保不從  
遣定保使荆南及還懼其非已使倪曙勞之告以建國定  
保曰建國當有制度吾入南門清海軍額猶在四方其不  
取笑乎龔笑曰吾備定保久矣而不思此宜其譏也三年  
册越國夫人馬氏為皇后馬氏楚王殷女也四年春置選  
部貢舉放進士明經十餘人如唐故事歲以為常七年唐  
莊宗入汴龍夫懼遣宮苑使何詞入詢中國虛實稱大漢國  
主致書大唐皇帝詞還言唐必亂不足憂龍夫大喜又性好  
夸大嶺北商賈至南海者多召之使升宮殿示以珠玉之  
富自言家本咸秦耻王蠻夷呼唐天子為洛州刺史是歲  
雲南驃信鄭旻遣使致朱驃白馬以求婚使者自稱皇親



母弟清容布燮兼理賜金錦袍虎綾紋攀金裝刀封歸仁  
慶侯食邑二千戶持節鄭昭淳昭淳好學有文辭龍龜將  
燕賦詩龔及群臣皆不能逮遂以隱女增城縣主妻是八  
年作南宮王定保獻南宮七奇賦龔美之龔初名巖又更  
曰陟九年白龍見南宮三清殿改元白龍又更名龔以應  
龍見之祥有胡僧言讖書滅劉氏者龔也龍乃採周易飛  
龍在天之義為龔字音巖以名是為四年楚人以舟師攻封  
州封州兵敗於賀江龔懼以周易筮之遇大有遂赦境內  
改元曰大有遣將蘇章以神弩軍三千救封州章以兩鐵  
索沈賀江中為巨輪於岸上築堤以隱之因輕舟迎戰陽  
敗而奔楚人逐之章舉巨輪挽索鎖楚舟以彊弩夾江射  
之盡殺楚人三年遣將李守鄺梁克貞攻交趾擒曲承美

承美至南海龔登儀鳳樓受俘謂承美曰公常以我為為  
廷今友面縛何也承美頓首伏罪乃赦之承美顯子也克  
貞又攻占城掠其寶貝而歸四年愛州楊廷藝叛攻交州  
刺史李進遜歸龔遣承貞程寶以廷藝寶戰死五年封子  
耀樞為王龜圖康王洪厓及秦王洪熙晉王洪昌越王洪弼  
齊王洪雅韶王洪澤鎮王洪操萬王洪杲循王洪暉息王  
洪觀高王洪簡同王洪建益王洪濟辨王洪道貴王洪照  
宜王洪政通王洪益定王九年遣將軍孫德成攻蒙州不  
克十年交州牙將皎公美殺楊廷藝自立廷藝故將吳權  
攻交州公美來乞師龔封洪操交王出兵白藤以攻之龔  
以兵駐海門權已殺公美逆戰海口植鐵檣海中權兵乘  
潮而進洪操逐之潮退舟還檣者皆覆洪操戰死龔收



餘衆而還十五年龔卒年五十四謚天皇帝廟號高祖  
陵曰康陵子玠立

玠初名洪度封秦王龔子耀樞龜圖皆早死玠次當立龔  
病卧寢中召右僕射王翻與語呼洪度洪熙小字曰雲鷲  
雖長然皆不足任吾事惟洪昌類我吾欲立之奈何吾子  
孫不肖後世如鼠入牛角勢當漸小爾因泣下歔歔翻為  
龔謀出洪度以邕州洪熙容州然後立洪昌為太子議已  
定崇文使蕭益入問疾龔以告之益諫曰少者得立長者  
爭之禍始此矣由是洪度卒得立更名玠改元曰光天尊  
母趙昭儀為皇太妃以晉王洪熙輔政玠立果不能任事  
龔在殯召伶人作樂飲酒宮中裸男女以為樂或衣黑縷  
與娼女夜行出入民家由是山海間盜賊競起妖人張遇

賢自稱中天八國王攻陷循州玠遣越王洪昌循王洪果  
攻之遇賢圖洪昌等於錢帛館裨將萬景忻陳道庠力戰  
挾二王潰圍而走玠莫能省嶺東皆亂洪熙日益進聲妓  
誘玠為荒恣玠亦頗疑諸弟圖已敕宦官守宮門入者皆  
露索洪熙洪果洪昌陰遣陳道庠養勇士劉思潮譚令溼  
林少彊少良何昌廷等習為用觥以獻玠玠宴長春宮以  
閱之玠醉起道庠與思潮等隨至寢門拉殺之盡殺其左  
右玠立二年年年二十四謚曰殤弟晟立

晟初名洪熙封晉王既殺玠遂自立改元曰應乾以洪昌  
為兵馬元帥知政事洪果副元帥劉思潮等封功臣晟既  
殺兄立不順懼衆不伏乃益峻刑法以威衆已而洪果屢  
請討賊陰勸晟誅思潮等以止外議晟大怒使使者夜召



洪杲洪杲知不免乃留使者入具沐浴詣佛前祝曰洪杲  
誤念來生王官今見殺矣後世當生民家以免屠害涕泣  
與家人訣別然後赴召至則殺之冬晟祀大南郊改元曰  
乾和群臣上尊號曰大聖文武大明至道大光孝皇帝二  
年夏遣洪昌祠襄帝陵於海曲至昌華宮晟使盜刺殺之  
晟自殺洪杲由是與諸弟有隙而洪昌最賢龔龔系所欲  
立者晟尤忌之故先及居鎮王洪澤居邕州有善政是歲  
鳳皇見邕州晟怒使人酖殺之而諸弟相次見殺三年殺  
其弟洪雅又殺劉思潮等五人思潮等死陳道庠懼不自  
安其友鄧仲以荀悅漢紀遺之道庠莫能曉仲罵曰憨獠  
韓信誅而彭越醢皆在此書矣道庠悟益懼晟聞之大怒  
以道庠仲下獄皆斬之拉市夷其族以右僕射王翻為英

州刺史使入殺之於路五年晟弟洪弼洪道洪益洪濟洪  
簡洪建洪暉洪照同日皆自見殺六年遣工部郎中知制誥  
鍾允章聘楚以求婚楚不許允章還晟曰馬公復能經畧  
南土乎是時馬希廣新立希萼起兵武陵湖南大亂允章  
具言楚可攻之狀晟乃遣巨象指揮使吳珣內侍吳懷恩  
攻賀州已克之楚人求救珣鑿大阱於城下覆箔於上以  
土傅之楚兵逼城采陷阱中死者數千楚人皆走珣等攻  
桂州及連宜其殿梧蒙五州皆克之掠全州而還九年冬又  
遣內侍潘崇徹攻郴州李景兵亦在與崇徹等遇戰大敗  
景兵於宜章遂取郴州晟益得志遣巨艦指揮使暨彥贇  
以兵入海掠商人金書帛作離宮游獵故時劉氏有南宮大  
明昌華甘泉玩華秀華玉清太微諸宮凡數千不可悉紀



宦者林延遇宮人盧瓊仙內外專恣為殺戮晟不復省嘗  
夜飲大醉以瓜置伶人尚玉樓項拔劍斬之以試劍因并  
斬其首明日酒醒復召玉樓侍飲左右白已殺之晟歎息  
而已十年湖南王進達以兵五萬率溪洞蠻攻郴州潘崇  
徹敗達於煨石斬首萬餘級十一年晟病甚封其子繼興  
衛王旋興桂王慶興荆王保興祥王崇興梅王十二年晟  
親耕籍田交州吳昌濬遣使稱臣求節鉞昌濬者權子也  
權自龍時據交州龍遣洪操攻之洪操戰死遂弃不復攻  
權死子昌安立昌安卒弟昌濬立始稱臣於晟晟遣給事  
中李璵以旌節招之璵至白州昌濬使人止璵曰海賊為  
亂道路不通璵不果行晟殺其弟洪觀十三年又殺其弟  
洪政於是龍天之諸子盡矣顯德三年世宗平江北晟始惶

恐遣使修貢於京師為楚人所隔使者不得行晟憂形於  
色又嘗自言知皇末年月食牛女間出書占之歎曰吾當  
之矣因為長夜之飲十六年上葬域於城北運甓為壙晟  
親臨視之是秋卒年三十九謚曰文武光聖明孝皇帝廟  
號中宗陵曰昭陵子銀立

銀初名繼興封衛王晟卒以長子立改元曰大寶貞晟性剛  
忌不能任臣下而獨任其嬖倖臣官宮婢延遇瓊仙等至  
銀尤愚以謂群臣皆自有家室顧子孫不能盡忠惟宦者  
親近可任遂委其政於宦者龔滋澄樞陳延壽等至其群臣  
有欲用者皆闕然後用澄樞等既專政銀乃與宮婢波斯  
女等淫戲後宮不復出省事延壽又引女巫樊胡子自言  
玉皇降胡子身銀於內殿設帳幄陳寶負胡子冠遠遊冠



衣裳霞霞裙坐帳中宣稱福呼張為太子皇帝國事皆決於胡子庸瓊仙龔澄樞等爭附之胡子乃為張言澄樞等皆上天使來輔太子有罪不可問尚書左丞鍾允章參政事深嫉之數請誅宦官宦官皆久目二年張祀天南郊前三日允章與禮官登壇四顧指麾宦官者許彥真望見之曰此謀反耳乃拔劍升壇允章迎叱之彥真馳走告允章反張下允章獄遣禮部尚書薛用丕治之允章與用丕有舊因泣下曰吾今無罪自誣以死固無恨然吾二子皆幼不知父冤俟其長公可告之彥真聞之罵曰反賊欲使而子報仇邪復入白張并捕二子繫獄遂族誅之陳延壽謂張曰先帝所以得傳陛下者由盡殺群弟也勸張稍誅諸王張以為然殺其弟桂王璇與是歲建隆元年也張將邵廷珩

言於張曰漢乘唐亂居此五十年幸中國有故平戈不及而虜血驕於無事今兵不識旗鼓而入主不知存亡夫天下亂久矣亂久而治自然之勢也今聞真主已出必將盡有海內其勢非一天下不能已勸張修兵為備不然悉珍寶奉中國遣使以通好張懵然莫以為慮惡廷珩言直深恨之四年芝茵生宮中野獸觸寢門苑中羊吐珠井旁石自立行百餘步而仆樊胡子皆以為符瑞諷群臣入賀五年張必宦者李托養女為貴妃專寵托為內太師居中專政許彥直既殺鍾允章惡龔澄樞等居已上謀殺之澄樞使人告彥直與友族誅之七年王師南伐克郴州晟所遣將暨彥贊與其刺史陸光圖皆戰死餘眾退保韶州張始思廷珩言遣廷珩以舟兵出洗口抗王師會王師退舍廷珩



訓士卒修戰備嶺人倚以為良將有譖者投無名書言廷  
珣反鏐遣使者賜死士卒排軍門見使者訢廷珣無反狀  
不能救為立祠於洗口八年交州吳昌文卒其佐呂處珩  
與峯州刺史喬知祐爭立交趾大亂驩州丁璉舉兵擊破  
之鏐授璉交州節度九年南海民妻生子兩首四臂是時  
太祖皇帝詔李煜諭鏐使稱臣鏐怒囚煜使者龔慎儀十  
三年詔潭州防禦使潘美出師師次白霞鏐遣龔澄樞守  
賀州郭崇岳守桂州李托守韶州以備是歲秋潘美平賀  
州十月平昭州又平桂州十一月平連州鏐喜曰昭桂連  
賀本屬湖南今北師取之足矣其不復南也其愚如此十  
二月平韶州開寶四年正月平英雄二州鏐將潘崇徹先  
降師次瀧頭鏐遣使請和求緩師二月師度馬逕鏐遣其

右僕射蕭灌奉表降准行鏐惶迫復令整兵拒命美等進  
師鏐遣其弟祥王保興率文武詣美軍降不納龔澄樞李  
托等謀曰北師之來利吾國寶貨尔焚為空城師不能駐  
當自還也乃盡焚其府庫宮殿鏐以海舶十餘悉載珍寶  
嬪御將入海宦官樂範竊其舟以逃歸師次白田鏐素衣  
白馬以降獻俘京師赦鏐為左千牛衛大將軍封恩赦侯  
其後事真國史隱興城年世諸書皆同蓋自唐天祐二年隱為廣  
州節度使至皇朝開寶四年國城凡六十七年舊  
五代史以梁貞明二年龔慎儀  
號為始故曰五十五年尔



五竹史身六十五

葛洪世家五

九





